

## Мемлекеттік көрсетілетін қызметтер тізілімін жүргізу қағидаларын бекіту туралы

### *Күші жойған*

Қазақстан Республикасы Үкіметінің 2013 жылғы 3 тамыздағы № 779 қаулысы.  
Күші жойылды - Қазақстан Республикасы Үкіметінің 2015 жылғы 10 наурыздағы № 119 қаулысымен

**Ескерту. Күші жойылды - ҚР Үкіметінің 10.03.2015 № 119 қаулысымен.**

«Мемлекеттік көрсетілетін қызметтер туралы» 2013 жылғы 15 сәуірдегі Қазақстан Республикасының Заңы 6-бабының 4) тармақшасына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Мемлекеттік көрсетілетін қызметтер тізілімін жүргізу қағидалары бекітілсін.
2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

*Қазақстан Республикасының*  
*Премьер-Министрі* *С. Ахметов*

Қ а з а қ с т а н Р е с п у б л и к а с ы  
Ү к і м е т і н і ң  
2 0 1 3 ж ы л ғ ы 3 т а м ы з д а ғ ы  
№ 7 7 9 қ а у л ы с ы м е н  
бекітілген

## Мемлекеттік көрсетілетін қызметтер тізілімін жүргізу қағидалары

### 1. Жалпы ережелер

1. Осы Мемлекеттік көрсетілетін қызметтер тізілімін жүргізу қағидалары (бұдан әрі – Қағидалар) мемлекеттік көрсетілетін қызметтер тізілімін жүргізу тәртібін айқындайды.

2. Осы Қағидаларда мынадай терминдер мен анықтамалар пайдаланылады:

- 1) көрсетілетін қызметті алушы – орталық мемлекеттік органдарды, Қазақстан Республикасының шетелдердегі мекемелерін, облыстардың, республикалық маңызы бар қаланың, астананың, аудандардың, облыстық маңызы бар қалалардың жергілікті атқарушы органдарын, қаладағы аудандардың, аудандық маңызы бар қалалардың, кенттердің, ауылдардың, ауылдық

округтердің әкімдерін қоспағанда, жеке және заңды тұлғалар;

2) көрсетілетін қызметті беруші – Қазақстан Республикасының заңнамасына сәйкес мемлекеттік қызметтер көрсететін орталық мемлекеттік органдар, Қазақстан Республикасының шетелдегі мекемелері, облыстардың, республикалық маңызы бар қалалардың, астананың, аудандардың, облыстық маңызы бар қалалардың жергілікті атқарушы органдары, қаладағы аудандардың, аудандық маңызы бар қалалардың, кенттердің, ауылдардың, ауылдық округтердің әкімдері, сондай-ақ жеке және заңды тұлғалар;

3) мемлекеттік көрсетілетін қызмет – көрсетілетін қызметті алушылардың өтініші бойынша жеке тәртіппен жүзеге асырылатын және олардың құқықтарын, бостандықтарын мен заңды мүдделерін іске асыруға, оларға тиісті материалдық немесе материалдық емес игіліктер беруге бағытталған жекелеген мемлекеттік функцияларды іске асыру нысандарының бірі;

4) мемлекеттік көрсетілетін қызметтер тізілімі (бұдан әрі – тізілім) – мемлекеттік көрсетілетін қызметтердің сыныпталған тізбесі;

5) мемлекеттік қызметтер көрсету саласындағы уәкілетті орган (бұдан әрі – уәкілетті орган) – мемлекеттік қызметтер көрсету саласындағы басшылықты және салааралық үйлестіруді жүзеге асыратын орталық мемлекеттік о р г а н .

3. Тізілімді жүргізудің негізгі міндеті мемлекеттік көрсетілетін қызметтерді, мемлекеттік көрсетілетін қызметтер туралы мәліметтерді анықтау және тізілімге е н г і з у б о л ы п т а б ы л а д ы .

4. Тізілімді жүргізу мақсаттары:

1) көрсетілетін қызметті берушілер қызметінің тиімділігі мен сапасын а р т т ы р у ;

2) көрсетілетін қызметті алушылар үшін мемлекеттік көрсетілетін қызметтер туралы мәліметтердің ашықтығын және қолжетімділігін қамтамасыз ету;

3) мемлекеттік көрсетілетін қызметтерді есепке алу және талдау.

5. Тізілім мемлекеттік және орыс тілдерінде әзірленеді.

## **2. Тізілімді жүргізу тәртібі**

6. Тізілімді жүргізу тәртібі мынадай кезеңдерді қамтиды:

1) Қазақстан Республикасының нормативтік құқықтық актілерін мемлекеттік көрсетілетін қызметтерді анықтау тұрғысынан талдау;

2) жүргізілген талдау негізінде тізілімге енгізуге жататын мемлекеттік көрсетілетін қызметтер тізбесін айқындау;

3) анықталған мемлекеттік көрсетілетін қызметтерді, мемлекеттік көрсетілетін қызметтер туралы мәліметтерді тізілімге енгізу;

4) тізілімге оның мазмұнын өзектілендіру (жаңарту) тұрғысынан мониторинг жүргізу ;

5) тізілімге енгізілген мемлекеттік көрсетілетін қызметтер туралы мәліметтерді өзектілендіру (жаңарту).

7. Тізілімге енгізу үшін мемлекеттік көрсетілетін қызмет мынадай талаптарға сәйкес келуі тиіс :

1) мемлекеттік органдардың жекелеген функцияларын іске асыруға бағдарланған болуы ;

2) дара тәртіппен жүзеге асырылуы;

3) көрсетілетін қызметті алушының өтініші бойынша жүзеге асырылуы;

4) көрсетілетін қызметті алушылардың құқықтарын, бостандықтары мен заңды мүдделерін іске асыруға, материалдық немесе материалдық емес игіліктер беруге бағдарлануы .

8. Тізілімді жүргізуді уәкілетті орган жүзеге асырады.

9. Уәкілетті орган қажет болған жағдайда жыл сайын, 1 шілдеден және 1 желтоқсаннан кешіктірмей тізілімге өзгерістер және (немесе) толықтырулар енгізуді көздейтін Қазақстан Республикасының Үкіметі қаулысының жобасын әзірлейді және Қазақстан Республикасының заңнамасында белгіленген тәртіппен Қазақстан Республикасының Үкіметіне енгізеді.

10. Тізілімге өзгерістер және (немесе) толықтырулар енгізу үшін орталық мемлекеттік органдар және жергілікті атқарушы органдар:

1) тізілімдегі мемлекеттік көрсетілетін қызметтер туралы мәліметтерге жыл сайын түгендеу жүргізеді ;

2) 1 маусымнан және 1 қарашадан кешіктірмей уәкілетті органға осы Қағидаларға 1-қосымшаға сәйкес нысан бойынша ұсыныстар береді.

### **3. Тізілімнің құрылымы**

1 1 . Т і з і л і м :

1) мемлекеттік көрсетілетін қызметтің атауын;

2) көрсетілетін қызметті алушы туралы мәліметті (жеке және (немесе) заңды тұлға); мемлекеттік көрсетілетін қызмет стандартын әзірлейтін орталық мемлекеттік органның атауын; көрсетілетін қызметті берушінің атауын;

3) өтініштерді қабылдауды және мемлекеттік қызмет көрсету нәтижелерін беруді жүзеге асыратын ұйымдардың атауын және/немесе мемлекеттік қызмет электрондық нысанда көрсетілген жағдайда, «электрондық үкіметтің» веб-порталын көрсетуді ;

4) мемлекеттік қызмет көрсету нысанын;

5) мемлекеттік қызмет көрсетудің ақылы не тегін болуын көздейді.

12. Тізілім сыныптамасы:

1) қоғамдық қатынастар саласына байланысты мемлекеттік көрсетілетін қызметтердің топтамасын білдіретін бөлімдерден;

2) көрсетілетін қызметті алушының өмірлік жағдайына байланысты мемлекеттік көрсетілетін қызметтердің топтамасын білдіретін кіші бөлімдерден;

3) мемлекеттік көрсетілетін қызметтердің реттік нөмірлерінен тұрады.

13. Мемлекеттік көрсетілетін қызметке тізілім сыныптамасының барлық деңгейдегі кодтарынан қалыптастырылатын цифрлық белгілер түріндегі сегізмәнді жеке сыныпталған код беріледі.

Сыныпталған код үш бөліктен тұрады:

1) бірінші бөлік – 3 цифрдан тұрады және қоғамдық қатынастар саласындағы бөлімді білдіреді;

2) екінші бөлік – 2 цифрдан тұрады және көрсетілетін қызметті алушының өмірлік жағдайына байланысты кіші бөлімді білдіреді;

3) үшінші бөлік – 3 цифрдан тұрады және мемлекеттік көрсетілетін қызметтің кіші бөлім ішіндегі реттік нөмірін білдіреді.

14. Мемлекеттік көрсетілетін қызметке сыныпталған кодты уәкілетті орган береді.

15. Тізілім сыныптамасы осы Қағидаларға 2-қосымшаға сәйкес құрылым бойынша жасалады.

Мемлекеттік көрсетілетін қызметтер тізілімін жүргізу қағидаларына 1-қосымша

**Мемлекеттік көрсетілетін қызметтер тізіліміне өзгерістер және (немесе) толықтырулар енгізу үшін мемлекеттік көрсетілетін қызмет туралы мәліметтер**

Мемлекеттік көрсетілетін қызметтің коды	Мемлекеттік көрсетілетін қызметтің атауы	Көрсетілетін қызметті алушылардың санаты	Мемлекеттік көрсетілетін қызмет стандартын әзірлейтін орталық мемлекеттік органның атауы	Көрсетілетін қызметті берушінің атауы	Өтініштерді қабылдауды және ресімделген құжаттарды беруді жүзеге асыратын ұйымдар
1	2	3	4	5	6

*кестенің жалғасы*

оның ішінде:			
--------------	--	--	--

Ақылы болуы	құқықтық негізі	төлем мөлшері	Мемлекеттік қызмет көрсету нәтижесінің нысаны	Мемлекеттік қызмет көрсету тәртібі	Ескертпе (тізілімге өзгерістер және (немесе) толықтырулар енгізу негізі)
7	8	9	10	11	12

Мемлекеттік қызметтер тізілімін жүргізу көрсетілетін қызметтер қағидаларына  
2-қосымша

## Мемлекеттік көрсетілетін қызметтер тізілімінің сыныптамасы

**Ескерту. 2-қосымшаға орыс тіліндегі мәтінге өзгерістер енгізілді, қазақ тіліндегі мәтіні өзгермейді - ҚР Үкіметінің 27.05.2014 № 553 қаулысымен.**

Бөлім	
	Кіші бөлім
	Атауы
001	Құжаттау
	00101 Жеке басын және мәртебесін куәландыратын құжаттарды/анықтамаларды алу
	00102 Кәсіпкерлік қызметпен байланысты емес құқықтарды қамтамасыз ететін құжаттарды алу
002	Жеке тұлғалар мен азаматтарды тіркеу
	00201 Жеке тұлғалардың мәртебесін, тұрғылықты жерін, Т.А.Ә. және басқа деректерін тіркеу/ауыстыру
	00202 Шетелде болу
	00203 Қазақстан Республикасына келу
003	Жеке және заңды тұлғаларды тіркеу
	00301 Жеке және заңды тұлғаларды тіркеу
004	Отбасы және балалар
	00401 Отбасы құру
	00402 Туу, қамқоршылық және бала тәрбиелеу
	00403 Бала үшін білім және бос уақыт
	00404 Баланы асырап-бағу және қамтамасыз ету
005	Мүлік және зияткерлік меншік құқығы
	00501 Жылжымалы мүлік
	00502 Жылжымайтын мүлік
	00503 Зияткерлік меншік
	00504 Мүлік және зияткерлік меншік құқығы саласындағы басқа да мемлекеттік көрсетілетін қызметтер
006	Денсаулық, медицина және денсаулық сақтау
	00601 Медициналық көмек
	00602 Денсаулық сақтау саласындағы рұқсат құжаттарын беру (лицензиялауды, тіркеуді, сертификатт қоса алғанда)

	00603	Халықтың санитариялық-эпидемиологиялық салауаттылығы
	00604	Денсаулық, медицина және денсаулық сақтау саласындағы басқа да мемлекеттік көрсетілетін қызм
007		Еңбек және әлеуметтік қорғау
	00701	Халықты жұмыспен қамту
	00702	Жұмыспен қамту саласындағы рұқсат құжаттарын беру
	00703	Әлеуметтік қамтамасыз ету, оның ішінде зейнетақымен қамсыздандыру және әлеуметтік сақтанды
	00704	Азаматтардың жекелеген санаттарын әлеуметтік қолдау
	00705	Әлеуметтік қызметтер
	00706	Еңбек және халықты әлеуметтік қорғау саласындағы басқа да мемлекеттік көрсетілетін қызметтер
008		Білім және ғылым
	00801	Жоғары және жоғары оқу орнынан кейінгі білім
	00802	Білім және ғылым саласындағы рұқсат құжаттарын беру (лицензиялауды, тіркеуді, сертификат қоса алғанда)
	00803	Білім және ғылым саласындағы басқа да мемлекеттік көрсетілетін қызметтер
009		Бизнес және кәсіпкерлік
	00901	Бизнесі немесе жеке кәсіпкерлікті бастау
	00902	Жеке кәсіпкер немесе заңды тұлға қызметінің тоқтатылуы
	00903	Белгілі бір қызмет түрлерімен айналысуға рұқсат құжаттарын беру (лицензиялауды, тірк сертификаттауды қоса алғанда)
	00904	Өнімдердің жекелеген түрлерін өндіруге рұқсат құжаттарын беру (лицензиялауды, тірк сертификаттауды қоса алғанда)
	00905	Өнімдердің жекелеген түрлерін сатып алуға, сатуға және сақтауға рұқсат құжаттарын б лицензиялауды, тіркеуді, сертификаттауды қоса алғанда)
	00906	Кәсіпкерлік қызметті қолдау
010		Туризм
	01001	Туризм саласындағы басқа да мемлекеттік көрсетілетін қызметтер
011		Көлік және коммуникация
	01101	Автомобиль көлігі
	01102	Әуе көлігі
	01103	Теміржол және су көлігі
	01104	Көлік және коммуникация саласындағы басқа да мемлекеттік көрсетілетін қызметтер
012		Қоршаған ортаны және жануарлар әлемін қорғау, табиғи ресурстар
	01201	Қоршаған ортаны қорғау
	01202	Су ресурстарын пайдалану
	01203	Орман ресурстарын пайдалану
	01204	Жануарлар әлемін пайдалану
	01205	Жер қойнауын пайдалану
013		Ауыл шаруашылығы
	01301	Ауыл шаруашылығы саласындағы басқа да мемлекеттік көрсетілетін қызметтер
	01302	Ауыл шаруашылығы саласындағы рұқсат құжаттарын беру (лицензиялауды, тіркеуді, сертификат қоса алғанда)
014		Өнеркәсіп, индустрия және технология
	01401	Отын және энергетика

	01402	Технологиялар
	01403	Өнеркәсіп, индустрия және технологиялар саласындағы рұқсат құжаттарын беру (лицензиялау, тіркеуді, сертификаттауды қоса алғанда)
	01404	Өнеркәсіп, индустрия және технологиялар саласындағы басқа да мемлекеттік көрсетілетін қызмет
015		Мұнай-газ саласы
	01501	Мұнай-газ саласындағы рұқсат құжаттарын беру (лицензиялауды, тіркеуді, сертификаттауды алғанда)
	01502	Мұнай-газ саласындағы басқа да мемлекеттік көрсетілетін қызметтер
016		Салықтық әкімшілендіру, бухгалтерлік есеп және қаржылық есептілік, аудиторлық қызмет
	01601	Салықтық әкімшілендіру
	01602	Бухгалтерлік есеп және қаржылық есептілік
	01603	Аудиторлық қызмет
017		Қаржы нарығын және қаржы ұйымдарын мемлекеттік реттеу, бақылау және қадағалау
	01701	Банктер қызметі саласындағы рұқсат құжаттарын беру (лицензиялауды, тіркеуді, сертификаттауды алғанда)
	01702	Зейнетақы қорларының қызметі саласындағы рұқсат құжаттарын беру (лицензиялауды, тірк сертификаттауды қоса алғанда)
	01703	Сақтандыру қызметтерінің нарығы саласындағы рұқсат құжаттарын беру (лицензиялауды, тірк сертификаттауды қоса алғанда)
	01704	Қаржы нарығын және қаржы ұйымдарын мемлекеттік реттеу, бақылау және қадағалау саласын басқа да мемлекеттік көрсетілетін қызметтер
018		Кеден ісі
	01801	Кеден ісі саласындағы басқа да мемлекеттік көрсетілетін қызметтер
019		Қауіпсіздік, қорғаныс және сот төрелігі
	01901	Қауіпсіздік, сот төрелігі және қорғаныс саласындағы рұқсат құжаттарын беру (лицензиялауды, тірк сертификаттауды қоса алғанда)
	01902	Қауіпсіздік, сот төрелігі және қорғаныс саласындағы басқа да мемлекеттік көрсетілетін қызметтер
020		Бәсекелестікті қорғау
	02001	Бәсекелестікті қорғау саласындағы басқа да мемлекеттік көрсетілетін қызметтер
021		Дін
	02101	Дін саласындағы басқа да мемлекеттік көрсетілетін қызметтер
022		Жер қатынастары, геодезия және картография
	02201	Жер қатынастары
	02202	Геодезия және картография
023		Мәдениет, ақпарат және байланыс
	02301	Байланысты ұйымдастыру және ұсыну саласындағы рұқсат құжаттарын беру (лицензиялауды, тірк сертификаттауды қоса алғанда)
	02302	Ақпарат
	02303	Мәдениет
024		Төтенше жағдайлар
	02401	Төтенше жағдайлар саласындағы басқа да мемлекеттік көрсетілетін қызметтер
025		Дене шынықтыру және спорт
	02501	Дене шынықтыру және спорт саласындағы басқа да мемлекеттік көрсетілетін қызметтер

026		Сәулет-қала құрылысы қызметі
	02601	Сәулет-қала құрылысы саласындағы рұқсат құжаттарын беру (лицензиялауды, тірке сертификаттауды қоса алғанда)
	02602	Сәулет-қала құрылысы қызметі саласындағы басқа да мемлекеттік көрсетілетін қызметтер
027		Тұрғын үй-коммуналдық шаруашылық
	02701	Тұрғын үй-коммуналдық шаруашылық саласындағы басқа да мемлекеттік көрсетілетін қызметтер
028		Сыртқы саясат және сыртқы істер
	02801	Сыртқы саясат және сыртқы істер саласындағы басқа да мемлекеттік көрсетілетін қызметтер
029		Табиғи монополияларды реттеу
	02901	Табиғи монополияларды реттеу саласындағы басқа да мемлекеттік көрсетілетін қызметтер
030		Мемлекеттік қызмет
	03001	Мемлекеттік қызмет саласындағы басқа да мемлекеттік көрсетілетін қызметтер
031		Басқалары
	03101	Ғарыш кеңістігін пайдалану
	03102	Апостиль қою
	03103	Статистикалық ақпарат беру
	03104	Мемлекеттік кәсіпорындар және мемлекеттік меншік
	03105	Анықтамалар беру

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК